

Nuwe Lied Bediening

Hy het 'n nuwe lied in my mond gegee, 'n lofprijsing tot ons God sodat baie dit sal sien en respekvol vrees en op Yahuah vertrou. Ps.40:3.

Wanneer ons die Torah bestudeer moet ons onthou dat Yeshua, dié Gesalfde Een, die boodskap van יהוה-God is wat vlees geword het! Hy is die weg na die waarheid wat lewe gee – die Lewende ‘man hu’ wat uit die hemel gestuur is en יהוה se Torah vervolmaak het. Sonder die Afgesonderde Gees wat in ons, en deur ons lewe, sal die geskrewe Torah net die dooie letter van die wet wees!!
Yeshua is die hart van die Vader!!

Parashah 28: Metzora – Die Melaatse

יהוה het met Moshe gepraat en gesê: Dit is die wet vir die melaatse op die dag van sy reiniging.... Lev. 14:1 en 2¹.

Torah: Lev. 14:1 tot 15:33

Haftorah: 2 Kon. 7:3 tot 20

Nuwe Verbond: Matt. 8:2 tot 4; Matt. 9:20 tot 26; Matt. 11:2 tot 6; Mark. 5:24 tot 34; Luk. 8:42 tot 48; Rom. 6:19-23; Hebr. 13:4.

Hierdie notas is aanvullend tot vorige notas vir Parashah 28 wat afgelaai kan word by:
http://nuwelied.info/?page_id=1182.

(יהוה)-God is not a vending machine where you put in a coin and get something out. God is God – He is Mighty, Indescribable, Awesome and Sovereign. He is to be reverentially feared. We are serving Him, He is not serving us. This is not about what God can do for us; it's about what we can do for Him. You see, it's not what you're going to get out of God – it's what He is going to get out of you. Let's be done once and for all with this life enhancement Christianity that makes God a means instead of the glorious end that He is. Let's do away with selfish motives for healing because we just want to enjoy a happy life of prosperity for selfish gain. I'm going to say to you dear friend that your motive must be right – you must serve Him and love Him as long as you live simply because He is worthy... Healing, wealth and all those other things will just be a by-product of loving God and not the prime product. (M.K. Strydom – Healing Begins With Sanctification of the Heart).

What good does it do to speak in tongues on Sunday if you have been using your tongue during the week to curse and gossip? – Leonard Ravenhill.

"Everyone recognizes that Stephen was Spirit-filled when he was performing wonders. Yet, he was just as Spirit-filled when he was being stoned to death. – Leonard Ravenhill.

Pride must die in you, or nothing of heaven can live in you. – Andrew Murray

¹ Alle teksverwysings is geneem uit PWL (Pad van Waarheid tot die Lewe) Vertaling (www.padwlewe.ch), behalwe waar anders vermeld. Om 'n kopie van die Bybel te bekom kan Gerrie Coetzee per e-pos by gerrie@padwlewe.ch gekontak word of telefonies by 074 361 2134.

Torahbespreking

Hersiening

Soos verlede week bespreek was, moet ons met die bestudering van parashah *Tazria* en van parashah *Metzora*, die betekenis van melaatsheid (*tsara'at*) volgens Torah verstaan, naamlik dat dit verskil van melaatsheid soos ons dit vandag ken. Melaatsheid (*tsara'at*) volgens Torah is 'n verskeidenheid van siekte toestande wat die vel aantast, sowel as voorwerpe soos klere en huise besmet. *Tsara'at* moet daarom gesien word as 'n toestand van onreinheid en onvolmaaktheid volgens יהוה se standaard. Dit is 'n veltoestand en besmetting van voorwerpe wat ontstaan het as gevolg van sonde, naamlik die oortreding van יהוה se Torah.

Melaatsheid in Skriftuurlike verband is 'n sinnebeeld van 'n oertipe van alle siekte toestande. Dit simboliseer ook die sonde-toestand van progressiewe aftakeling (verrotting) en uiteindelik die dood wat sy oorsprong het in die sondeval van die mens. Melaatsheid volgens die Skrifte is 'n sigbare manifestasie van die vernietigende krag van sonde en die gevolge van sonde!

Daarom is siekte en dood 'n voortdurende herinnering aan hoe dinge verander het sedert die sondeval van die mens in die Tuin van Eden. Toe יהוה Sy skepping voltooi het, het Hy gesê: *Dit was uitermate goed!!*

God het alles gesien wat Hy gemaak het en let op, dit was uitermate goed. Dit was aand en dit was oggend, die sesde dag. Gen. 1:31.

Genesing En Reiniging Van Die Melaatse

Deel van hierdie volmaaktheid (uitermate goed) was dat die mens nie siekte en dood geken het nie. Daarom is יהוה se volmaakte wil nie om ons te genees nie! Nee, Sy volmaakte wil is dat ons nie siek moet word nie, maar daagliks in Goddelike gesondheid moet wandel! Hoewel ons verlang en strewe om terug te keer na hierdie volmaaktheid is die werklikheid dat ons vasgevang is in 'n vervalde wêreld waar siekte en dood alledaags is. Net so is dit ook 'n feit dat die meerderheid van die mensdom weens sonde geestelike melaats is en gevolglik onrein is en dus nie in יהוה se teenwoordigheid mag staan nie.

Soos voorheen bespreek moet melaatsheid soos in Torah beskryf word, wel fisies, maar veral geestelik gesien word, naamlik 'n toestand van onreinheid wat ontstaan weens sonde! Yeshua het in die Karakter en Outoriteit van יהוה gekom om elkeen wat in Hom vertrou as dié Gesalfde van God, fisies en geestelik te genees!

In Matt. 8:1-4 lees ons van Yeshua wat 'n melaatse genees.

- 1 Toe Hy van die berg afkom, het 'n groot skare mense Hom gevolg
- 2 en let op, 'n sekere melaatse man het gekom en voor Hom neergeval en gesê: "My Meester, as U wil, is U in staat om my te reinig."
- 3 Yeshua het Sy hand uitgesteek, aan hom geraak en gesê: "Ek wil, wees rein." In daardie oomblik is sy melaatsheid gereinig.
- 4 Yeshua sê vir hom: "Wees versigtig wat jy aan iemand sê, maar gaan wys jouself aan die priester en offer die offer wat Mosheh beveel het, tot 'n getuienis vir hulle."

Hierdie is die eerste melaatse wat Yeshua genees het en dit opsigself het 'n baie belangrike betekenis, want in die dae van Yisra'el van ouds, en soos reeds bespreek, was melaatsheid gesien as 'n sigbare manifestasie van יהוה se misnoeë met 'n persoon, naamlik dat die

melaatse onrein is en nie in יהוה se Teenwoordigheid mag kom nie. Die feit dat Yeshua die melaatse fisies aangeraak het en hy onmiddelik genees was, was 'n getuienis van die feit dat Yeshua dié Gesalfde Een is.

Op grond van wat God vir Mosheh in Ex. 4:6-7 gesê het, het die Jode geglo dat die vermoë om melaatsheid en alle siektes te genees een van die tekens sal wees wat bevestig dat dié Gesalfde Een gekom het.

⁶ יהוה het verder vir hom gesê: “Steek nou jou hand in jou boesem.” Hy het sy hand in sy boesem gestee en toe hy dit uittrek, was sy hand melaats, soos sneeu!

⁷ Hy sê: “Steek jou hand weer in jou boesem.” Hy het sy hand weer in sy boesem gestee en toe hy dit uit sy boesem uittrek, was dit weer soos sy ander vlees!

Daarom lees ons in Matt. 11:2-6 die volgende:

² Toe Yoganan in die gevangenis gehoor het van die dae van dié Gesalfde Een, het hy deur middel van sy studentevolginge gestuur

³ en vir Hom gevra: “Is U Hy wat kom, of moet ons 'n ander verwag?”

⁴ Yeshua antwoord en sê vir hulle: “Gaan vertel aan Yoganan daardie dinge wat julle hoor en sien:

⁵ die blindes sien, die kreupeles loop, die melaatses word rein, die dowes hoor, die dooies staan op, die armes hoor die goeie boodskap

⁶ en geseënd is elkeen wat nie deur My sal struikel nie.”

Hierdie is bevestiging wat deur Yesha'yahu (Jesaja) aangaande Yeshua gefofeteer was:

⁵ Dan sal die oë van die blindes oopgemaak en die ore van die dowes ontsluit word.

⁶ Dan sal die verlamde spring soos 'n bok en die tong van die stomme sal skree van vreugde, want waters sal uitbreek in die wildernis en strome in die woestyn. Jes. 35:5-6.

¹ Die Gees van יהוה-God is op My omdat יהוה My gesalf het om goeie nuus te bring aan die geteisterdes; Hy het My gestuur om die gebrokenes van verstand, wil en emosie op te bind, om vryheid vir die weggevoerdes te verklaar en loslating vir gevangenes;

² om die jaar van guns van יהוה aan te kondig en die dag van die wraak van ons God; om almal wat treur te troos,

³ om aan die wat treur in Tziyon te voorsien; vir hulle 'n sierkrans te gee in die plek van as, vreugde-olie in plaas van rou, die mantel van lofprijsing in plaas van 'n verslae gees. Hulle sal eikebome van onpartydige opregtheid, deur יהוה geplant, genoem word sodat Hy geloof, geëer en aanbid kan word. Jes. 61:1-3.

Fisiese genesing was 'n baie belangrike deel van Yeshua se bediening en in die Skrifte van die nuwe verbond is daar talle van Yeshua se genesingswonderwerke opgeteken.

²³ Yeshua het oor die hele Galila gegaan en in hulle byeenkomste geleer, die goeie boodskap van die Koninkryk verkondig en mense van elke siekte en kwaal genees.

²⁴ Woord aangaande Hom is versprei oor die hele Sirië en hulle het almal wat siek was na Hom toe gebring, hulle wat siek geword het van allerhande siektes en gekwel was deur ernstige pyne, hulle wat vasgevang was in die mag van demone, mense wat van hulle koppe afgegaan het en verlamdes en Hy het hulle gesond gemaak. Matt. 4:23-24

Yeshua het alle siektes genees van die wat na Hom toe gekom het vir genesing. En tog het die meerderheid van Yisra'el se geestelike leiers, asook die meerderheid van die bevolking nie Yeshua herken as dié Gesalfde Een wat gekom het nie! Daarom is die volgende uit die pen van 'n onbekende outeur waar ten opsigte van Yisra'el van ouds:

They were looking for a Lion, He came as a Lamb, and they missed Him.

They were looking for a Warrior, He came as a Peacemaker, and they missed Him.

They were looking for a King, He came as a Servant, and they missed Him.

They were looking for Liberation from Rome, He submitted to the roman pole, and they missed Him.

They were looking for a fit to their mould, He was the Mould Maker, and they missed Him.

En nou, sowat twee duisend jaar later, is hierdie steeds van toepassing op die meerderheid Jode en hulle geestelike leiers, naamlik Rabbiniëse Judaïsme!

יהוה - Rafah (Rofeka) – YAHUAH wat jou gesond maak

In Ex. 15:26 lees ons:want Ek, יהוה, is die Een wat jou gesond maak. As liefdevolle Vader is יהוה ook ons Geneesheer wat gees, siel en liggaam genees en daarom is deel van Sy Torah die onderrig om daaglik Goddelike gesondheid te ondervind.

Gerrie Coetzee skryf in sy boek: 'God van die Verbond' ondermeer die volgende:

Genesing is 'n volledige onderwerp op sy eie, maar ons gaan net so paar gedagtes uit die Woord met jou deel. Ek het gevind dat genesing 'n individuele karakter het waar, elke keer, wanneer 'n mens dink jy verstaan dit, iets anders gebeur. יהוה het riglyne en standaarde in die Skrif, maar ons ken nie die diepte van die persoon se wese, verstand, wil en motiewe nie en as die Vader nie vir ons 'n woord van wysheid gee nie, kan ons nie altyd verstaan hoekom mense nie gesond word nie. Dit is 'n belangrike aspek om te onthou: יהוה wil Sy kinders gesond maak!

יהוה het lank terug vir my die volgende gewys: kinders van יהוה is nie siek mense wat gesond gemaak moet word nie, maar gesonde mense wat hul gesondheid moet aanvaar, wat Hy reeds deur Yeshua vir ons gegee het deur Sy liggaam aan die kruis **1 Kefa 2:24**. "Deur Sy wonde is julle gesond gemaak," **Yes 53:5**. Dit verwys spesifiek na fisiese genesing. Let op die tyd – 'is ...gemaak' – dit is afgehandel. Ons het reeds ons genesing in dié Gesalfde Een ontvang.

Ek kan dit nie genoeg beklemtoon nie. **Dit is die sleutel tot Goddelike gesondheid. Let op!** Nie net Goddelike genesing nie, maar ook Goddelike gesondheid. Dink asseblief eers daarvoor na.

Die verandering van denke en eenwording met Sy Karakter en Outoriteit beïnvloed ook 'n siek liggaam. M.a.w. as jy allergies is vir aarbeie, is dit nie die aarbeie (Vader het alles goed en mooi geskep) nie, maar iets in jou wat nog nie lyk soos die beeld van God nie.

Siektes, allergië ens is gevolg van die ou lewe, onvergewensgesindheid, wantroue en alles wat met ander woorde nie is volgens Vader se Karakter nie.

Kyk na die volgende Skrifgedeeltes. **Num 23:19** – "Die Magtige God is nie 'n man dat Hy sou lieg nie, of 'n mensekind dat Hy jammer sal wees nie. Het Hy gesê en sal dit nie doen nie, of het Hy gepraat en sal dit nie waar maak nie?" יהוה **en Sy Woord is altyd waar**. Jy moet hierdie begrip vir jouself vasmaak, vertrou en daarin leef.

Spr 17:22 "n Vreugdevolle binneste maak die liggaam gesond, maar 'n gebroke gees droog die gebeente uit." Die eerste beginsel is dat in vreugde יהוה kragtig is en ook kan genees.

Genesing:

Yog 10:10 "Die dief kom nie, as net om te steel, dood te maak en te vernietig nie. Ek het gekom, dat hulle lewe kan hê en watter oorfloed daar ook al vir hulle is." Yeshua het gekom sodat ons 'n oorvloedige lewe kan hê, sonder siektes wat ons verhinder om in vreugde en vrede te leef. Dit is יהוה se plan dat mense gesond sal lewe – "Goddelike gesondheid" – en as Sy kinders siek is, hulle gesond gemaak sal word.

Ten opsigte van redes vir siektes en gebreke en genesing skryf Gerrie die volgende:

Luk 13:16 "Hierdie is egter 'n dogter van Avraham, wat die duiwel, let op, agttien jaar lank gebind het...." Bose geeste en demone kan siektes veroorsaak. Daar is 'n demoon met die naam van elke siekte moontlik. **Die volgende is egter baie belangrik:** alle siektes het sy oorsprong met die sondeval en alle siektes is as gevolg daarvan en nie noodwendig die spesifieke werk van 'n demoon nie. Dit kan wees, maar is nie altyd nie. Soms is dit 'n demoon, soms omdat ek verkeerd geëet het. Die genesing van siektes kan ook verhinder word deur my eie sonde, onvergewensgesindheid en ongehoorsaamheid.

(Einde van aanhaling)

Van die mees belangrikste voorvereistes vir genesing is belydenis van sonde om vergifnis te ontvang en dan gehoorsaamheid aan יהוה se Torah soos dit Yeshua vervolmaak is. Goddelike gesondheid en gehoorsaamheid loop hand-aan-hand soos wat die Skrifte van die ou verbond ook bevestig:

“As julle getrou na die stem van יהוה, julle God, luister en doen wat reg is in Sy oë, luister na Sy opdragte en al Sy wette hou, dan sal Ek geeneen van die siektes op jou lê wat Ek op die land van Mitzrayim gelê het nie, want Ek, יהוה, is die Een wat jou gesond maak.” Ex. 15:26.

25 Julle moet יהוה, julle God, dien en Ek sal jou brood en jou water seën en Ek sal siektes van tussen jou uit verwyder.

26 Niemand in jou land sal 'n miskraam hê of onvrugbaar wees nie. Ek sal die getal van jou dae vervul. Ex. 23:25-26.

Daar kan ook 'n verband wees tussen sonde en siekte soos bevestig word deur die genesing van die siek man in Betésda (Joh. 5:2-9). Nadat Yeshua die man genees het, lees ons in Joh. 5:14 die volgende:

Na 'n tyd het Yeshua hom in die tempel gekry en vir hom gesê: “Let op, jy is gesond; moenie aanhou sondig nie sodat daar nie iets ergers as tevore met jou gebeur nie.”

Dit is uiters belangrik om te onthou dat יהוה is die Oppergesag en die Almagtige Wetgewer (Jak. 4:12)! Hy het die natuurwette en die geestelike wette vasgestel en diegene wat hierdie wette oortree sal die gevolge dra! Daarom moet ons verstaan dat יהוה sekere beginsels (natuur- en geestelike wette) vir ons gegee het waarvolgens ons moet lewe sodat ons nie siek sal word nie. Dit is daarom uiters belangrik om te verstaan dat die oorsaak van siekte kan fisies of geestelik wees of 'n kombinasie van die twee.

Dit is 'n mediese en wetenskaplike feit dat jou gedagtes, en dit wat jy oor 'n lang tydperk bedink (mediteer), biologiese (fisiologiese) manifestasies kan veroorsaak in die vorm van siekte in jou liggaam. Die wyse Salomo bevestig dit in Spr. 13:2-3:

² 'n Goeie man sal tevrede wees met die vrug van sy mond, maar die lewens van die bose sal tot niet gaan.

³ Hy wat sy mond bewaak, bewaar sy lewe; hy wat te veel praat sal verwoesting op homself bring.

Uiteraard is daar ook ander oorsake van siekte, maar negatiewe emosies soos onvergifnis (Matt. 6:12; Matt. 18:21, 22, 32-35; Mark. 11:25 en 26), bitterheid en haat (Efe 4:26-27) dikwels die oorsaak van siekte, want 'n persoon met hierdie negatiewe emosies bedink dit voortdurend. Statisties is gevind dat sowat 87% van alle siektes teruggevoer kan word na wat bedink word en ons weet – waar die hart van vol is loop die mond van oor!

Ons moet doen wat Sha'ul gesê het:

⁸ daarom, my broers: voed julleself met alles wat waar is, alles wat eerbaar is, alles wat onskuldig en opreg is, alles wat skoon is, alles wat mooi is, alles wat prysenswaardig is en daardie werke van lof en eer, wat geprys word.

⁹ Hierdie dinge wat julle geleer, ontvang, gehoor en in my gesien het, doen dit en die God van vrede, vreugde, gesondheid, voorspoed en vergenoegdheid sal by julle wees. Fil. 4:8-9.

¹ As julle dus saam met dié Gesalfde Een opgestaan het, soek die dinge daarbo waar Die Gesalfde Een is en aan die regterhand van God sit.

² Word gevoed deur die dinge wat daarbo is, nie met dit wat op die aarde is nie. Kol. 3:1-2.

Dit is ook ontnugterend om te weet dat ons sondes nie net onself benadeel nie, maar ook die van ons kinders. Die rede is omdat ons gedagtes nie net op ons liggame 'n uitwerking het nie, maar ook op ons gene (oorerflikheideienskappe²). “Anti-Torah” gedagtes, woorde en dade, soos byvoorbeeld sonde, bitterheid, onvergifnis, afbrekende selfbeeld, skuldgevoelens, ens. kan 'n defek in 'n geen, of in 'n groep van gene, veroorsaak wat deur jou kinders ge-erf kan word. Sonde is meer as 'n geïsoleerde gebeurtenis, maar kan weerklank vind in die nageslagte. Daarom word 'n sekere siektetoestand in geslagte herhaal, asook sekere geestelike bindinge wat van geslag tot geslag oorgedra word. Die volgende dien as bevestiging:

➤ In Ex. 20:5 sê יהוה:

want Ek, יהוה, jou God, is 'n jaloerse Magtige God wat die oortredinge van die vaders besoek aan die seuns, aan die derde en aan die vierde geslag van die wat My haat.

Wie is die haters van יהוה? Dit is diegene wat nie God se Woord (Torah) bewaar nie (Joh. 14:21 en 23 en 1 Joh. 2:3-5)! Maar Hy bewys barmhartigheid (omgee) aan duisende, naamlik aan die nageslag, van die wat Hom liefhet (Ex. 20:6). En om יהוה lief te hê is om

² Die mens se liggaamselle bevat elk 23 pare chromosome. Op elke chromosoom is daar duisende gene en elke geen is saamgestel uit DNA. Die gene is die fisiese en funksionele eenhede van oorerflikheid. Dit is die draers van oorerwingseienskappe. Elke persoon het twee kopieë van dieselfde geen – een afkomstig van elke ouer. Elke geen, of groep van gene, bevat 'n instruksie om 'n spesifieke deel van jou liggaam te vorm en te laat funksioneer vir die doel waarvoor dit geskep is.

Sy geboorte te bewaar. Daarom sal יהוה-Rafa ook elkeen wat Hom uit liefde gehoorsaam, se gene genees (“herstel”).

- In Avraham en sy nageslag was daar ‘n leuengees wat tot in die vierde geslag oorgedra was. Uit vrees het Avraham by twee geleenthede gejok oor die feit dat Sarah sy vrou was (Gen. 12:12 en 13, asook Gen. 20:2). Yitz’gak het dieselfde leuen vertel (Gen. 26:7-9). Rivkah en Ya’acov het vir Yitz’gak gejok en sodoende het hy die seën wat vir ‘Esav bestem was ontvang. Die seuns van Ya’acov het vir hom gejok aangaande Yosef.

Voorheen was wetenskapliks van mening dat ‘n mens na geboorte niks aan sy genetiese samestelling kan verander nie. Die nuutste navorsingsveld, bekend as epigenetika, het egter bevind dat sekere gedagtes wat oor ‘n langtermyn gekoester word, wel die mens se gene kan beïnvloed en verander. Hierdie navorsing het ook bewys dat dat traumatiese gebeure in ‘n kind se lewe ook sekere ‘letsels’ op hulle gene laat. Ons gene kan ‘aangeskakel’ of ‘afgeskakel’ word deur die gedagtes wat voortdurend bepeins word of deur traumatiese ondervinding en kan dus bydra tot ons algemene fisiese en geestelike gesondheid, asook die van ons nageslag!

Opsomming: Melaatsheid, soos in Torah gedefinieer, se hooforsaak was die oortreding van יהוה se Torah, veral kwaadspraak (*l’shon hara* – sonde van die tong). God het Yeshua gestuur sodat ons genesing kan ontvang en in Goddelike gesondheid kan lewe. God is יהוה-Rapha – ons Geneesheer van gees, siel en liggaam en Yeshua is die middelaar van ons genesing!

Soos al bespreek was, is *L’shon hara* die Hebreeus vir negatiewe woorde, spesifiek van kwaadspraak en skinder. Om die tong te beheer is die moeilikste deel van Torah om aan gehoorsaam te wees en dus die maklikste om te oortree!

⁵ net so is die tong ook ‘n klein ledemaatjie en het heerskappy. ‘n Klein vuurtjie steek ‘n groot woud aan die brand!

⁶ Die tong is ook ‘n vuur en die wêreld van boosheid soos ‘n oerwoud. Die tong op sy eie onder die lede, besmet ons hele liggaam en dit steek die opeenvolgende generasies aan, wat soos wiele voortrol en brand soos vuur,

⁷ want die natuur van alle soorte wilde diere, voëls, reptiele, sowel as seediere, word getem deur die menslike natuur,

⁸ maar die mens is nie in staat om die tong te tem nie. Dit is onbeheerbaar boos, vol dodelike gif. Jak. 3:5-8

Ons almal het ‘genesing van die tong’ nodig – nie net terwille van onself nie, maar ook terwille van ons nageslag!! En ons sal almal rekenskap moet gee van elke ydele (nuttelose, negatiewe) woord (Matt. 12:36). Onthou: Lewe en dood is in die tong (Spr. 13:3), en ons woorde het skeppingskrag!

As iemand dink dat hy God dien en nie sy tong in toom hou nie, mislei hy sy eie denke, wil en emosie en die diens van hierdie man is leeg en doelloos. Jak. 1:26

Bepeins of Bespreek

1. Soos genoem is dit gevind dat minder as 5% van mense wat gaan vir gebed vir genesing genees word! Statisties is daar ook geen verskil tussen hierdie twee groepe ten opsigte van die voorkoms van siektes nie. Statisties ook geen verskil in alkohol misbruik, verslawing, egskeding en seksuele immoraliteit tussen Christene en nie-Christene! Lewers misluk die kerk!! Is Jes. 5:13-14 en Hos. 4:6 die rede hiervoor? Is dit omrede God se Torah deur die kerk verwerp word? Is talle in die Christendom mislei deur sogenaamde geloofsgenesers en duiwelbesweerdendes? In die verband word die volgende video van

Derren Brown: “Miracles For Sale” aanbeveel. Dit is die moeite werd en is beskikbaar by: <https://www.youtube.com/watch?v=iuP5uOI7Xwc>

2. Aansluitend by bogenoemde kan ons vra: Wat sê die nuwe verbond moet die sieke doen? Jak. 5:14-15. Daar is talle beloftes vir genesing – Ps. 103:3; Jes. 53:5 en Matt. 8:17. Hoekom word alle gelowiges dan nie genees nie? Hoekom word minder as 5% genees ten spyte van groot en bekende sogenaamde *faith movements* en ten spyte van bekende geestelike leiers met hulle genesingsbedieninge? Is deel van die antwoord in Jes. 29:13. Hierdie teksvers verwys na mensgemaakte godsdiens sonder begrip van die Vaderhart en sonder eerbiedige ontsag vir יהוה. Lees Matt. 6:33, Spr. 9:10-11 en Spr. 28:9 in die verband!
3. Na aanleiding van Jak. 3:5, 6 en 8 kan ons wel vra: Wat is die moeilikste van al die gebooie om te onderhou, of anders gestel: Wat is die maklikste van al die gebooie om te oortree? En ja, onthou jy kan skuldig wees aan kwaadspraak van jouself ook! Gaan die gevolg dieselfde wees as om kwaad te praat van iemand anders?

-0-0-0-0-0-0-0-0-

Ontvang יהוה se Woord met welwillendheid, maar ondersoek self die Skrifte of hierdie dinge die waarheid is (Hand. 17:11).

Shabbat Shalom!

Johan.

Epos: kontak@nuwelielied.info

Webwerf: <http://www.nuwelielied.info>

Kopieë mag gemaak en gratis versprei word, maar mag nie verkoop word nie. Geen veranderinge mag aan die oorspronklike teks aangebring word en dit dan onder die naam van Nuwe Lied Bediening versprei nie.